



12346 ✓

光緒丙申首夏



沈氏三先生文集

浙江書局刊行

鹵溪集十卷  
長興集十九卷  
雲巢編十卷

欽定四庫全書總目

西溪集十卷

浙江巡撫  
探進本

宋沈邁撰邁字文通錢塘人以蔭爲郊社齋郎皇祐元年舉進士第一以已官者不應先多士改第二歷知杭州開封府皆有能名終於翰林學士事蹟具宋史本傳是集十卷南宋初有從事郎處州司理參軍高布者與邁弟遼雲巢集邁從叔括長興集合刻於括蒼名吳興三沈集以是編爲首然史稱邁通判江甯還朝奏本治論十篇爲仁宗所

沈氏三先生文集

提要

嘉賞而集中竟未之載則亦非全帙矣邁以文學致身而吏事精敏一時推爲軼材其知制誥時所撰詞命大都莊重溫厚有古人典質之風詩亦清俊流逸不染俗韻第二卷末題揚州山光寺二詩其一有夾註稱爲盧中甫和詩其高臺已傾曲池平一首已見前而重出於此字句稍不同詩下亦有夾註稱傳自山光寺壁與集中異云云疑皆高布校刊時所增入非原集之舊亦足見其校勘之不苟也

長興集十九卷

浙江巡撫  
採進本

宋沈括撰括有夢溪筆談已著錄陳振孫書錄解題載括集四十一卷南宋高布嘗合沈遼沈邁二集刻於括蒼題曰吳興三沈集此本卷末題從事郎處州司理參軍高布重校一行蓋卽括蒼所刻本也括博聞強記一時罕有其匹所作筆談於天文算數音律醫卜之術皆能發明考證洞悉源流而在當時乃不甚以文章著然學有根柢所作亦宏贍淹雅具有典則其四六表啟尤凝重不佻有

沈氏三先生文集

提要

二

川人三

古作者之遺範惜流傳既久篇帙脫佚闕卷一至卷十二又闕卷三十一又闕卷三十三至四十一共二十二卷勘驗諸本亦皆相同知斷爛蠹蝕已非一日宋文鑑及侯鯖錄諸書載括詩什頗多而集中乃無一首又史稱括爲河北西路察訪使條上三十一事皆報可其他建白甚眾而集中亦無奏劄一門蓋皆在闕卷之中矣又案三沈之中以括集列邁集之後實則行輩括爲長書錄解題曰括於文通爲叔

案文通沈邁之字也

而年少於文通世傳文

通常稱括叔今四朝史本傳以爲從弟者非也文通之父扶扶之父同括之父曰周皆以進士起家官皆至太常少卿王荆公誌周與文通墓及文通弟遼誌其伯父振之墓可考云云其辨證甚明元修宋史仍以括爲邁之從弟殊爲乖誤今據陳氏之說附正其失用以見宋史疎舛不足盡爲典據焉

雲巢編十卷

浙江巡撫採進本

宋沈遼撰遼字叡達錢塘人邁之弟也用兄任監

沈氏二先生文集

提要

三

四十一

壽州酒稅熙甯初爲審官西院主簿久之以太常寺奉禮郎攝華亭縣坐事流永州更徙池州築室齊山自號雲巢遂不復起事蹟具宋史本傳遼墓誌稱所著雲巢編二十卷今此本乃宋高布載入吳興三沈集所存者祇十卷文獻通考所載卷數亦同殆布校刊之時已有所合併歟又集中海天寥寥禾黍秋一首此本題曰初聞鶴唳而徐頌至元嘉禾志乃作題于山圓智寺又門箴一首至元嘉禾志作華亭縣門箴且有跋語兩行均與此乖

互不合或當時尙有別本故所據互有異同也遼  
文章豪放奇麗無塵俗齷齪之氣而尤長於歌詩  
王安石嘗贈以風流謝安石瀟灑陶淵明之句而  
安石子雱亦云前日覽佳作淵明知不如皆以柴  
桑格調爲比其傾倒可謂甚至然遼詩實主於生  
峭與陶詩蹊徑頗不相類觀其生平屢與黃庭堅  
酬和而庭堅亦稱其能轉古語爲我家物知爲豫  
章之別派非彭澤之支流矣

沈氏三先生文集

提要

四

沈氏三先生文集總目

卷一

西溪集一

卷二

西溪集二

卷三

西溪集三

卷四

西溪集四

沈氏三先生文集

總目

卷五

西溪集五

卷六

西溪集六

卷七

西溪集七

卷八

西溪集八

卷九



一

三

西溪集九

卷十

西溪集十

卷十一

長興集一 原闕今補

卷十二

長興集二 原闕今補

卷十三

長興集三

沈氏三先生文集

總目

卷十四

長興集四 原闕

卷十五

長興集五 原闕

卷十六

長興集六 原闕

卷十七

長興集七 原闕

卷十八



長興集八 原闕

卷十九

長興集九 原闕

卷二十

長興集十 原闕

卷二十一

長興集十一 原闕

卷二十二

長興集十二 原闕

沈氏三先生文集 總目

卷二十三

長興集十三

卷二十四

長興集十四

卷二十五

長興集十五

卷二十六

長興集十六

卷二十七

長興集十七

卷二十八

長興集十八

卷二十九

長興集十九

卷三十

長興集二十

卷三十一

長興集二十一

沈氏三先生文集

總目

卷三十二

長興集二十二

卷三十三

長興集二十三

卷三十四

長興集二十四

卷三十五

長興集二十五

卷三十六

長興集二十六

卷三十七

長興集二十七

卷三十八

長興集二十八

卷三十九

長興集二十九

卷四十

長興集三十

沈氏三先生文集 總目

五

卷四十一

長興集三十一 原闕

卷四十二

長興集三十二

卷四十三

長興集三十三 原闕

卷四十四

長興集三十四 原闕

卷四十五

長興集三十五 原闕

卷四十六

長興集三十六 原闕

卷四十七

長興集三十七 原闕

卷四十八 原闕

長興集三十八 原闕

卷四十九

長興集三十九 原闕

沈氏二先生文集 總目

六

卷五十

長興集四十 原闕

卷五十一 原闕

長興集四十一 原闕

卷五十二 原闕

雲巢編一

卷五十三 原闕

雲巢編二

卷五十四 原闕

雲巢編三

卷五十五

雲巢編四

卷五十六

雲巢編五

卷五十七

雲巢編六

卷五十八

雲巢編七

沈氏三先生文集

總目

卷五十九

雲巢編八

卷六十

雲巢編九

卷六十一

雲巢編十

卷六十二

附錄

沈氏三先生文集卷第一

西谿文集卷第一

翰林學士右諫議大夫知制誥充羣牧使兼判吏部流內銓判尚書禮部長興縣開國侯食邑八百戶輕車都尉賜紫金魚袋沈遵  
歌詩

奉祠西太乙宮賦

躬明詔以攝事兮奉祠乎太乙之靈戒前期之三日兮  
祗被而造乎神庭命徒御以夕駕兮候北斗之尙明啟  
國門而西出兮顧旭日之旣升背城關之嵯峨兮氣佳

沈氏二先生文集

卷第一

一

川X X

哉其可挹度川原之平遠兮風泠然其可乘方春陽之  
發茂兮感萬物之舒榮塘冰散兮波已淥野雪消兮草  
欲青時嘉魚之浮躍聞好鳥之嚶鳴池籞嚴以望幸兮  
予以見承平之多豫耒耜載以就田兮予以見黎民之  
樂生予心道然其有獲尙安知乎一舍之遠而遯征者  
乎爾迺逍遙而舒榮高舉而遐矚氤氳兮雲霞之合隱  
嶙兮臺殿之轟鐘磬之音兮砒焉而震於耳金碧之光  
兮燿焉而眩於目曾城縣圃乎閬苑崑崙乎其遠也若  
不可到海中之神山其邇也若猶可擬漢家之甘泉巍

巍乎雙觀沈沈乎重闕鞠躬而下屏息以前趨就乎下  
房之次而齋嚴乎其閒于是游心於神明致思於精粹  
披柱史之書玩漆園之義考星經之說合道家之記蓋  
太乙北辰之主而天之貴神也其尊五福其行九宮上  
運乎樞機下監乎吉凶沿漢暨唐是類是宗聖朝因爲  
定時西東蓋所以逆三神接萬靈致諸福綏羣氓者焉  
惟月孟陬惟日辛卯迎氣於郊實協吉卜侍臣焉承其  
祀祝史焉贊其禮牢醴兮芬芬幣玉兮煒煒蓋節兮歲粢  
旛旂兮旖旎三陔之壇兮所以降上神八通之道兮所  
以賓眾鬼威靈兮如在肸鬻兮受記時也太陰旣傾列  
宿在纏紫宮之右天極粲然帝闈兮若啟氛翳兮若褰  
美光之發兮赫奕而炤耀休氣之充兮輪囷而蜿蜒凡  
厥執事之臣莫不肅然震動俛伏於地旣起而贊饗曰  
泰一報享臨示厥祥錫衍天子萬壽無疆大宗小宗繼  
承不忘於是事旣功休出而言歸告僕夫以促轡吾將  
奏釐於太微

沈氏三先生文集

卷第一

二

川上十

春入花房次第開上林先望屬車來時忘萬物均民樂

恩許羣臣奉燕杯鳳下朝陽時鼓舞魚游太液自徘徊  
愚心願獻千年壽豈特歡娛一日陪

杭州燕思閣分題四首

七言得偃松院

以席間所望見爲題

古寺半空人迹稀老松自偃何年有擢幹欲聳不及尋  
蟠枝卻覆遂盈畝羣鳳曬日相婆娑病蛟眠沙獨蚘蠕  
五月南風翠幄涼三冬翔雪穹廬厚本知託植須岡陵  
豈應詘身此培塿往來不用爲吁嗟題詩調笑兒女曰

五言得巽亭

以後圃諸亭觀爲題

沈氏三先生文集

卷第一

三

守居鳳凰背茲亭壓其顛蒼厓當前斷崩騰執將騫洪  
濤從天來萬派瀉百川高士耳目曠壯夫胸膽拳維昔  
孰經始蔣侯世稱賢斯人去已久陳迹亦屢遷我來感  
且慕拂拭頗增妍尙存甘棠意善政或有傳

五言得歸字

探韻送先夫以送君出門歸五字爲韻

相識已恨晚相從每嫌稀如何復相失頓與中懷違淮  
江風波接未云遠我圻一朝晤語隔詎能忘歎欲置酒  
眾賓賦觴筆交橫飛高亭山氣佳落日暑力微金匱莫  
辭滿後會豈易希病夫意不淺亦且倒載歸



七言得胡瓌馬

是日觀畫以畫爲題

古來畫馬爲世貴前有韓幹後胡瓌幹之所圖獨御蚤  
鑄金有式易爲好瓌閱眾馬兼漢胡遂窮能事絕代無  
陰山七騎實瓌造傳之至今爲畫寶筆端神妙難盡譽  
平聲會見眞馬騰在圖眞馬今人亦何識但愛幹馬肥且  
澤後世復有伯樂生丹青雖逾尙典刑

五言送劉泌歸建州

東都宦遊客風塵厭已久欣然理扁舟歸雁不回首身  
與汴流下心先淮波走何時過江望家山見孤嶼武夷  
沈氏二先生文集 卷第一 四 川川人  
天下名眾溪環左右幽尋莫辭倦勝事不可負逍遙其  
無幾官期諒難後

七言何公南祕閣公會

公從書閣登詞掖西帥重歸始五年當日諸寮半榮落  
後來幾輩雜愚賢齋前花樹多新植架上塵籤亂舊編  
嘉遇榮名時所貴從容感詠屬觴篇

七言送沈景休知常州

疊鼓翻波汴流響雙旌炤地秋日晴蘭陵使君下齋舸  
都門送客冠蓋傾使君去從金馬署顏朱髮漆意氣橫

十年待詔困囊粟千騎乞得專名城居雖小地迺大  
物眾力薄俗喜爭惠窮遷暴各有術從來治者難其平  
使君才勇固自許一州詎足煩神明從容談笑朞月爾  
坐聽道路傳能聲教行民服已無事乘時豫樂與眾并  
惠山荆溪兩秀絕丹轂畫隼當春行還有歌詩寫高興  
賓客誰許從唱賡

七言送詩僧思齊歸吳

西風送霜河水落東都歸客不可留囊衣卷詩載輕舸

飄然獨下東南州吳山木落眾峰出越湖潦散孤嶼浮

沈氏三先生文集

卷第一

五

川又川

橘丹萼紫新薦俎若下醪美不計售十年塵埃一日去  
猿初脫檻鷹下鞬幽潛遠颺肯回首送之卻顧令人愁  
鱸魚正肥張翰老田園將蕪陶潛憂子歸應有問予者  
爲解區區茲有由

七言送何中復赴高陵簿

昔初送君向秦關君時失意多悲歎今來送君復西去

君懷新命多歡語別君重見凡四年顏色如故氣軒軒

文章學問益老富卓然遠致信可賢長安古都今大府

并護關西諸節度邇臣元老來後先賢士大夫還面聚

君持利器往從之當能一發胸中奇莫嗟須臾廷下屈  
我有鐵鏃又乘時君家湘衡萬餘里十年遠遊何所事  
高車駟馬終當歸努力無爲故人恥

五言送張吉老兩浙提刑

秋日響船鼓西風轉檣烏使節東南行光華滿江湖里  
門遇舊遊弩矢方前驅威嚴勉自勵寧顧舊酒徒

五言贈梅聖俞柑實

柑實來海濱萬里亦以勤中州富佳果乃無一與倫薦  
之君子堂豈以多爲珍甘滋露欲晞華色丹猶新愛之  
沈氏三先生文集 卷第一 六 川川三  
勿久留有酒應速賚

五言天台山送僧象微歸山

吾聞天台久嘗讀興公賦茲爲東南鎮神靈之所據奇  
挺究萬狀嵩岱不足語頗疑說過夸特爲辭之婢象微  
迺州民能識山之故從容試爲問聊得一二疏赤城建  
霞標上與斗牛附萬有八千丈矗若天一柱瀑布發高  
源飛流翻四注雪霜浮虛空晦明亂朝莫巖足多丹石  
光華燦寶璐槽溪百餘仞欲濟毛骨怖九折凌峻梁五  
界窮幽路芝蘭散奇草松桂羅嘉樹祥風吹白雲飄然

若可御幽閔足瓌怪纖悉難畢具凡迹古不到神物陰  
自護傳聞昔人說中有洞天處是不死墟眾眞所游  
聚玉堂敞金庭碧林列瑤圃有能從而求得之迺仙去  
斯言寧可信良非吾所慕吾志本邱壑久已失厥趣誰  
言石渠客乃甚轍中鮒秋風日已高歸心浩欲鶩茲山  
宿所愛送爾緬東顧吾廬因爾卜仔來審繪素

七言滑州新修東園

漢家東郡古延津詔屬王畿命邇臣儀物增榮都府舊  
恩光流浹吏民新已明條教康罷俗更飾林園樂盛辰  
沈氏二先生文集 卷第一 七  
蚤賦中和來奏御知公不久整歸輪

又

北輔爲藩自昔優使君深壯稱公侯樓臺重拂前人記  
園中樓臺多賈魏  
公李衛公所折造池圃更新此日遊比歲豐和多愷樂

乘春臨賞幾遲留史君詩藻無窮思賓席誰堪奉唱酬  
七言贈楊樂道建茶

建谿石上摘先春萬里封包數數珍羸病從來苦多飲  
高情應只屬詩人

五言和楊樂道省中述懷

少小學書史頗知道所存功名謂陳迹古人不復論既  
困乃于澤羽翼何翩翩初登羣玉府猶接文字言晚落  
司會廷始從俗吏煩朱墨事句校笞榜窮奸諛終日坐  
當案曾不聞休番舊學泯不講舊志茲益昏中悼素尙  
違仰愧前修尊去之未云果蕩爾何當返覽君自警作  
使我忘囂袪友道久寥闊期君於此敦

五言王景彝省舍孤竹

濯濯青玉竿矯矯孤雲姿潛根失其託憔悴非故時主  
人幸加憐曷不徙所宜歲寒風霜節無愧君子知

沈氏三先生文集

卷第一

八

七言和邵興宗還館

三年重到集仙庭卻理陳編不自停閣下舊題幾已暗  
壁中遺簡尙餘青故人擾擾誰相好世事悠悠我特醒  
坐看重雲開白日獨搖脩翮入高冥

七言和陳和叔祕閣會話

羣玉嵯峨壓石渠我初通籍預讎書三年未厭承明直  
一日更從俗吏居對案不堪文墨弊離羣長恨笑言疏  
紫宸蚤邏春朝永時得期君過舊廬

五言送李瑜通判潤州

吳越千里廣故鄣臨上游江山號未險人物自風流在  
昔爲成國於今亦大州時平除圍守地勝足遨遊青嶂  
南朝寺蒼煙北固樓蓴鱸秋未老行棹莫遲留

七言送梅公儀知杭州

禁閣深嚴帝策書侍臣才調蜀相如屢從金馬辭番直

又下承明佩左魚弩矢前驅登北固

京口爲錢唐屬郡

壺漿迎

路過姑蘇

姑蘇公舊治

使君詩老江山勝早晚新篇到石渠

五言送許當通判泉州

我昔溫陵行始初得許侯溫陵故佳勝況從吉士游日

沈氏二先生文集

卷第一

九

月雖無幾所樂良綢繆歸來十載閒再見朝皇州故人

重相遇尊酒更勸酬歡意我已衰壯心君益邁君顏反

更少我但未白頭乃知中都勞豈若江湖優嗟哉石渠

客有似魚被鉤何不斷去之未知所從流羨君翩然歸

春風帆畫舟錦衣鄉治中弩矢驅道周舊廬何光輝高

堂薦甘羞仕者固應爾自餘信悠悠送君喜寧已顧我

愧莫收幸君謝友朋我志無所求

五言送陳舜俞壽州從事

天下賢良選公車凡幾人君侯獨高第聲實兩無倫鸞

鷺來丹穴麒麟出九真推先東國士傾動漢廷臣未引  
金閨籍聊爲幙府賓還家莫留滯行看壽陽春

七言和吳冲卿省舍觀蘇才翁題壁

空堂老壁隄塵昏蘇子之蹟世所珍龍虎變化生風雲  
擎石攫木力萬鈞斯人豪奇邁倫羣平生慷慨半道淪  
高辭壯論胡不存惜哉獨以一藝聞

五言沈沔天隱樓

吳會富山水吳興盛人物風流自南朝德譽世不沒吾  
宗州之望譜序遠且蕃煌煌全盛時冠蓋充里門吾廬

沈氏三先生文集

卷第一

十

川上川

兩谿旁足迹遠城市宛自仙者居胡然人閒世自我登  
羣玉十年未得歸秋風東南望悵息欲下飛軒軒吾宗  
子自少慕奇偉任意一不如去之若泥滓起樓臨孤墅  
自以天隱名超焉謝朋友於茲寄生平我初聞以疑今  
迺遊而喜出處亦何常要之不苟爾俗化日以薄土路  
令人哀吾黨多狂簡不知所以裁子歸慎厥修先之以  
廉讓風行自田閭來者知所尙庶幾吾州士禮義世弗  
虧庶幾吾宗門長爲眾表儀毋獨矜汝名毋獨行乎怪  
鳥獸非所羣山林固何賴吾雖縻於此亦若與子遊

哉其無悶勿爲至人羞

五言杭州僧修廣法喜堂

困園學佛者營營良足悲不知佛之樂誰使汝學爲廣  
師吾州秀智解迺天資旣以法爲喜萬緣脫若遺高堂  
客滿坐妙談破羣疑來者豈不辨辨此堂之題

七言景德寺考試院和李子儀重陽日

勁風疏雨深秋節古寺重扃獨坐人菊色未開期有待  
萸香欲佩使誰紉登高莫作西城望把鏡須憐白髮新  
持酒勸君休惜醉定知歸日不盈旬

沈氏三先生文集

卷第一

七

川一

七言景德寺考試院壁和王介甫所題詩二首

石藍開盡紅著地瓜蔓半枯黃倒垂坐看一夜芳意歇  
風霜卽是蚤寒時

夜風吹雨冷通帷鳴雁初聞一一悲幸好歸時歸未得  
愁來莫讀壁間詩

七言次韻和王景彝十一月朔早朝

日上扶桑闢九關天威咫尺不違顏簪紳就次初傳警  
內外分朝送進班霜壓陸隅螭闔首風搖殿戶獸鳴環  
聖君從諫寬狂直丹檻無容復敢攀



五言次韻和宋次道省直

少小學文史焉知事簿書時爲吏舍直端與玉山疏叢  
竹聊相對孤斟強自攄猶欣二三子佳句數開予

七言次韻和次道十一月朔早朝

紫宸陛戟百重深拜朔官儀列弁簪旭日未全開宿靄  
清風先已斂羣陰邇臣自識宵衣志下士徒懷夙退心  
虞氏致平猶有戒願聞歌載誦餘音

五言送余良孺大監致仕歸鄉

士有逢辰泰榮名四十暮更持使者節數建守臣麾清

沈氏三先生文集

卷第一

七

川川七

懿推朝品慈良號吏師修塗方自致壯志未容衰雅尙  
先知止歸心浩若馳君恩寵年至監尹峻官儀緩帶金  
鱗重安輿紫綬垂達尊傾我里盛觀聳當時擺落公門  
事逍遙野老嬉維應愛玉體五福保期頤

七言次韻和樂道出省後見寄

君從司會陞延閣更職華光奉講論卻顧簿書勞已甚  
獨懷僚友意仍存新居近指西城路舊約還尋北海尊  
便欲相期五人者軒車蚤晚下宮門

五言和劉原甫陽春宜白雪

陽春宜白雪良時宜少年試攀瓊樹枝芳意已覺妍梅  
花初厭多楊花乍疑早園林光氣生眾物競鮮好一春  
都幾日行樂遽勿遲何辭踏泥出猶當秉燭歸少年自  
應然老大寧復爾豈不感物華尙能強醇醴

五言送韓玉汝知洋州

帝制一海內畫州以域民小大雖有殊執任兩各均祖  
宗初垂統所重尤守臣授受何其艱便坐躬簡論承平  
彌百年法做幾不泯其文豈弗具其實蓋已淪遂令師  
帥官十九非其人韓侯出名家英聲邁儔倫昔爲兩劇

沈氏三先生文集

卷第一

三

川三

縣遺美今猶新匪直郡邑良固是臺閣珍胡然不留用  
出駕雙朱輪洋州實大府左右控蜀秦厥土從古樂厥  
俗於茲淳侯才何足施談笑坐養神君子學無苟不讓  
誠當仁旣富而後教禮義庶可循坐聽千里謠上徹九  
重宸表以視四方寵以厲縉紳因之明黜陟審辨玉與  
珉尙使天下治復如前代純鄙言眞區區感激激爲侯陳

七言送辛有終知鄂

牛僧孺始爲武昌節  
度今辛侯初爲鄂

江漢交流古要津高牙大旆壓城闈昔尊丞相初開府  
今屬郎官試治民迎路壺漿因問俗前車弩矢便行春

由來美化先南國遺樂猶應詠厝薪

五言蓬萊山送徐仲微赴蓬萊令

渤海三神山蓬萊隱嵯峨仙人桂葉舟浮矣明月波驚塵不可到飛鳥不能過世人但傳聞欲往爲柰何胡然古荒王甘心事欺詔於今禱祠迹往往存山阿當時燕齊閒方士肩相摩遺俗頗淪胥官不嚴禁訶子去爲邑尹施舍各有科茲實繫教化無宜反媿媮平生學詩書仁術嘗切磋毋曰百里小民人豈不多誰當之武城敢復戲絃歌

沈氏三先生文集

卷第一

古

川川川

七言送句謔通判潁川

朝驅款段北省客莫駕屏星州治中朱顏綠髮出塵土長纓高蓋生清風彼都之勝實樂國潁汝交貫淮波通使子乞得一麾去寧復汲汲須江東

五言和鄰幾答李公達遺嘉慶李

朱實出東土名獨與眾殊友人重家果分贈比明珠堆盤薄霞色熨齒清露腴恨君賞意淺有酒空盈壺

五言次韻和冲卿省直

省舍實褊迫強分庭與軒君看午熱時何異炊甑然內

景雖屢清外物苦益喧濁河不足滌當尋崐崙源願身  
無羽翼大叫不得前卻圖須臾濟雪散和冰丸嗟我江  
湖人胡爲投此閒羨君富高興尙堪吟詠煩

五言次韻和鄰幾喜司馬君實錢君倚章伯鎮入

省

我本魯連徒放迹江湖濱強茲就朝列俯仰羞眾人初  
從東觀游尙得文字親晚爲大農屬始與俗吏倫簿書  
異我學句校違我真有如鍛戈劍而乃驅匠輪顛倒失  
所措左右迷厥津况不知適從但欲逃深榛獨幸良友

沈氏三先生文集

卷第一

五

川又乙

朋志尙略一均繼今三君來益欣得有鄰誰云典司殊  
舍次密若鱗誰云晤語稀牖戶日屢巡論文必高妙談  
道皆淵渟揮弄塵白玉傾倒巾紫綸謂應饜飢渴盍復  
辭昏晨願言勿有倦行卽徂秋春宦游固難常出處各  
有循公等其謂何我意益欲踐一朝成契闊相望楚與  
秦高會不得再空將寄音塵

五言次韻和景彝秋興

蘭蕙含清露芙蓉墮綠波暑隨朝雨盡涼入莫天多已  
覺金行早誰調玉燭和西風但高詠將奈綠醪何

五言次韻和邵不疑省直

藹藹大農府陰陰道南廬夜直何其頽我性實已疏每  
來兀兀坐中懷鬱不舒幸茲新涼至燈火理舊書秋風  
吹我衣浩然發歸思念我去江湖人事不復記擾擾彌  
十年忽忽都一寐中夜慎勿思無枕不得睡

七言和君倚景靈行

東城大道何逶迤中直清廟表六屏右臨景靈祕館之  
翼翼左帶相國浮圖之巍巍道旁第舍多赫赫車無停  
輪馬交策風塵勃鬱千丈高素衣化緇雙眦塞南阡窮

沈氏三先生文集

卷第一

六

川人女

巷我所居上下省戶兩歲餘病軀羸乘實厭畏每趨徑  
路宮城隅宮牆倚空背環極隱嶙樓臺露金碧朝霞夕  
照天半明牆下行人徒眩惑我嘗入謁得縱觀威容物  
采嚴且完鸞車歲歲躬獻享孝思肸蠁通神歡重門設  
衛日常闔靈境那令世人雜但見長松怪石列若屏突  
兀陰森兩遮匝我家東南滄海涯乘時偶來觀德輝歸  
飛故隱自有期何必於此空歎歛

五言次韻和君實苦雨三首

浩浩雨不止寥寥風且寒敢言裘褐具尙幸室廬完彌

月天形晦無時轍迹乾田臬何處在誰復顧蕭蘭  
不見清秋月悠悠雨過弦重陽初未解委炤固無偏安  
得長風御都驅宿藹旋還當三五夕圓魄獨當天  
積潦高秋後幽居病客心每憐荷折蓋猶愛菊包金獨  
坐有餘恨臨觴莫厭深多情省郎直永夜祇清吟

五言送徐同年謬出京

激立幾年志淹遲一日亨還家晝錦樂拜壽綵衣榮未  
辟諸侯府無矜晚宦情重來奏干牘應笑舊題名

沈氏三先生文集

卷第一

七

川一

沈氏三先生文集卷第一

浙江書局刊

高保康校

王家賢校

張大昌校

沈氏三先生文集

卷第一

六

三十八

沈氏三先生文集卷第二

西溪文集卷第二

翰林學士右諫議大夫知制誥充羣牧使兼判吏部流內銓判尚書禮部長興縣開國伯食邑八百戶輕車都尉賜紫金魚袋沈瀛

歌詩

代進南郊禮成

并序

伏以皇帝陛下卽祚已來躬祀郊廟者凡十一大事盛禮前世之所難能今陛下有之而孝思不已精意彌發定雅樂興寶鼎並嚴三后以配上帝天地祖宗之靈以順以格增前人之光爲萬世之法詩書所載二帝三王之事業今具之於陛下已宋之德其有窮哉臣自獲位於朝得奉祠事而兩攝綏僕親侍穆穆之光以觀盛禮臣不勝大幸

宋德承天序郊丘必以時先期發明詔戒日具多儀闕

館嚴眞祖清宮謹大祠孝思追祖考禋祀致神祇三聖

同升侑羣靈罔弗祇聲文更舊律鼎鬲列親規禮樂榮

觀洽雲雷慶澤施歡聲充有截盛事極無遺皇祚千齡

永成能萬世宜臣心奚以答歌頌一毫釐

沈氏三先生文集

卷第二

一

川川人



晚雨後過城東

東城雨始歇紫陌無纖埃佳氣四面起游光泛樓臺日  
莫市井合叫舞何喧豷我時騎過之顧瞻顏屢開欣其  
幸如此平歲無愁猜吾人雖安坐猶能詠康哉

和江鄰幾送文丞相還游普安院

擾擾市朝士一身眾役該官曹畏職業人事煩往來朝  
出被風雨莫還衝塵埃竟歲長若此何時能休哉適聞  
丞相行巾車城西隈冠蓋盛出送車馬相喧豷吾有四  
君子約言共追陪烏躔轉背午歸來塔支骸道旁有精

沈氏三先生文集

卷第二

二

川八八

舍聊茲釋鞍馭殿閣鬱四合高明絕纖埃曲池含清波  
魚鳥中沼洄禁園直南望參差隱樓臺秋風蕭眾物野  
氣日夕佳幽趣空來會俗紛頓可推高情緬山水劇語  
雜譏諧清賞何以娛一枰聊爲開豈徒事爭決要且資  
歡哈謂言坐上客茲樂那易借城中苦多事况復日月  
催功名未有立壯志先欲摧幸時得閒暇一出紓吾懷  
此言固可結此願惟恐乖須臾夕照下欲起姑徘徊攬  
轡更留顧餘興無窮涯

七言和王微之漁陽圖

燕山自是漢家地北望分明掌股閒休作畫圖張屋壁  
空令壯士老朱顏

五言送袁陟通判撫州

上林珊瑚枝太液琉璃波孔鸞相徘徊鳧鷖不敢過嘉  
樹日零落清流成惡腐凡鳥鬪嬉鳴珍羣搖翮去去兮  
將安之江山斂羽儀何時復來還聊以三歲期

五言過江鄰幾官舍

君舍城之背蕭然十畝餘四垣通野墅一舸泛官渠夏  
木陰成後涼天雨歇初公門日無事觴詠莫容疏碕岸

沈氏三先生文集

卷第二

三

川川文

淺可弄平流清且漪葭浦亂垂影魚鳥悉浮嬉浩蕩江  
湖思差池林壑期誰能共茲語終約不吾期  
願見豈辭遠況從吾友行清談開憤懣高詠聽鏗鉤赤  
日煩暑卻晚風涼氣生歸鞍任傾倒莫惜醕餘觥

五言奉酬楊祖二閣老中書省齋宿見寄

詞省非吾據維應賴兩公自憐雖壯齒多病祇衰翁飲  
興端難強詩情久已窮還家卽高臥客轍任西東

七言送蘇結赴蜀州推官

嘉陵劔閣萬里道自古當爲行役憂於今帝制自無外

仕者何必盡中州我昔成都兩歲留春風秋月多遨遊  
須知錦城雖云樂不如早還滄海頭

絳闕連碧城白日橫采霓鈞天萬舞徹鸞鳳鳴且飛我  
爲帝所遊十日不知返我樂殊未央尙恨春晝短東風  
吹蟠桃花落滿我衣拂去還復來悠然生我思顧謝眾  
仙人我自人閒世世累雖可憎天上亦多事

七言和吳仲庶延藝閣後牡丹花

時後殿  
考進士

零落欄杆暗薜侵花苞憔悴怨春深吾君意在延經藝

沈氏三先生文集

卷第二

四

川文三

不學前王宴豫心

承明待詔盡名儒一願當君奏六符獨笑開元供奉客  
惟將歌句奉歡娛

七言送密學施侍郎知杭州

塞外風煙河上塵歸來始覺二毛新承明自厭頻趨直  
滄海還思一濯巾幕府旌旗初壓境畫船歌吹便行春  
湖山滿目舊游在何日從公醉紫萼

奉祠東太乙宮七首

七言步虛辭二首

碧城絳闕半夜開翠旗玉節相徘徊景光散墮燈火蔽

步虛一聲天上來

迎神

赤烏鼓舞揚朝暉白榆零落收夕霏侍臣再拜謝神貺

步虛一聲天上歸

送神

五言讀道書一首

是日大風

甘泉三日齋讀盡羣仙書天風起寒門便欲凌太虛顧身無羽翼歎息知何如

五言齋居有感一首

城中塵埃多白日迷東西城中市井喧半夜猶鼓鼙我

沈氏三先生文集

卷第二

五

十一

本江海人偶來東都客寸心雖自丹兩鬢頗欲白一爲城南宿脫若與世違不聞車馬音但見煙霞飛自喜復自羞胡然久羈旅秋風弄濤時聊可整歸艣

七言致齋一首

君王無意學神仙獨爲蒼生致吉蠲四月麥苗殊未好一番靈雨卽豐年

七言祀畢大雨一首

由來聖作與天通甘澤祥飈撤俎中更賜太元千歲策  
平明馳賀未央宮

七言齋居寄楊祖二閣老一首

蕭灑城南尺五天，畫涼高枕夢遊仙。勞君揮翰紫宸裏，

汗浥朝衣不得眠。子瀑直未滿  
二君代直

七言西太乙宮致齋遣興二首

城中暑雨方鬱陶，城外秋風已蕭瑟。下馬解衣高枕眠，

惟恐祠官報歸日。

我來西郊始三日，超然便若與世違。市朝迺在咫尺爾，

況復萬里滄浪歸。西郊一云甘泉

七言訪淨因瑾上人一首

沈氏三先生文集 卷第二

六

春風才得馬蹏乾，便向城西學問禪。不是重陰開白日，

自披雲霧覩青天。

次韻和張元常中秋夜不見月

月色初無別人心，自有分長令照清。夜猶勝掩重雲老，

去歡難強衰來飲。易醺君家富，歌管獨不使人聞。

送劉定下第

六科收賢才所得，豈非真奈何。如劉子反爾棄，若淪眾

頗爲我嗟。我斯自能信言也，尙莫知行之得。無訕謝去，

不復顧所重。非吾身孝友且爲政，況茲有民人。廣陵昔

富都今已空殘甚行矣思自強公卿皆子任

弔普濟大師

鄉里多長者平生愛斯人誰言相識晚俛仰迹已陳短  
章昔固許挂劍義所申空堂對孤詠寂寞猶相親

南漪堂

山遶湖堂寺遶山平生願向此中間青雲白水相浮蕩  
野客高僧獨往還少小自嫌軒冕累因循將恐鬢鬢斑  
南漪最是逍遙地且挹清波濯愧顏

次韻和少述秋興

沈氏三先生文集

卷第二

七

川〇一

浩蕩西風動客裾飄然歸思滿田廬少時豈省爲名誤  
老去真知與世疏勝事祇隨詩句盡壯懷猶向酒杯舒  
南山已有終年約三徑何年得白除

送諸進士赴試禮部

吾州號多士今茲見諸生自非中正舊焉識鄉里評但  
喜後來秀紛若春華榮高會存故事雅歌迫鹿鳴勸酬  
皆嘉賓雜奏瑟與笙何以爲子贈贈子毋驕盈一獻未  
足信要之觀厥成行矣其自厲傾耳聞吉聲

次韻和李審言上元寄王巖夫

此都豪麗歲仍豐此夕都人凱樂中車馬笙簫千里至  
樓臺燈火九衢通香輿軋軋凌風駛粉袂翩翩照地紅  
病守行春眞強事更堪攀倚少年叢

次韻和巖夫有美堂會諸年契

西寺題名墨尙新今爲賓主此堂人縱談更起揮青塵  
極醉何妨倒紫綸梁苑舊遊皆已往吳山高會正臨春  
欲知勝事常難得嘉句先應動薦紳

次韻和盧中甫有美堂會諸年契

華屋陳高會春風眾物新嘉賓共科籍勝事動邦人大  
沈氏三先生文集 卷第二 八 川川  
白期無算清談信絕塵詩豪兩難敵弱力壓千鈞

次韻和王仲至李審言見寄

相如未用尙文園暴勝威名世已傳攬轡一時高莫挹  
著書千首浩無邊顧慙局趣何能駕望絕騏驎不得前  
聖世料材方責實便應歸泛五湖船

次韻和王巖夫見寄

前日移舟就近村送君西望大梁門九重宮闕天光遠  
千里江湖水氣昏壯士遨遊應自適少年離別枉傷魂  
北州爲政須當厲卽上青雲款帝閭

次韻和審言與孫少述會遊審言以病不至  
三吳高士壓英躔乘興南來得暫延俗役更思拋吏几  
勝遊還約泛湖船平生慕義如飢渴自昔論交孰後先  
獨恨良朋不相對一吟嘉句重悁悁

次韻和少述見贈兼簡審言

十年高臥占東南禹穴幽蹤久已探峻節千尋山壁立  
虛懷萬頃海波涵愧非仲舉能延士賴有君公爲對談  
大句聯來兩豪絕應知弱力已難堪

許當郎中自溫陵寄詩敘舊遊之感奉酬

沈氏三先生文集

卷第二

九

少小溫陵客於今記昔遊故人情最厚嘉句遠相求勝  
事成陳迹流年換白頭僧房屢題壁知有舊痕不

江陰楊使君寄示與楊從事唱和詩一軸奉酬

使君嶷嶷下中臺幙府飄飄得上才仲寶初招庾郎至  
微之還遇寶生來江山滿目歸吟筆賓主相忘屬酒杯  
自愧鄰城非勝賞聯章大軸爲誰開

次韻和孫少述潤州望海樓

北固峩峩鐵甕完京江浩浩海門連鵬搏羊角來天外  
鼇戴方壺獻几前西府旌旗猶壯曙南朝宮殿盡蒼煙



登臨不用成悲感自得開懷一曠然

次韻和少述雪中見寄

坐看和氣變農愁三白前占歲大收未及勸耕巡屬縣  
不妨醞酒望高樓剡中人遠空相憶韓子詩成枉見投  
正欲與君論出處扁舟何日肯東浮

和少述春日

春日融融二月晴春風藹藹百花明少年嬉逐正應急  
何處歌簫走馬聲

風流自古吳王國一一湖山盡勝遊上巳清明最佳節

沈氏三先生文集

卷第二

十

川三上

萬家臨禊錦維舟

初晴池閣暖無塵花落絲飛不避人祇愛年年好光景  
須知華髮一番新

臥病江東又見春高齋長日坐生塵看花飲酒應難強

猶有詩情謝故人

謝王勝之行部浙東還示詩

雒陽貴公子才氣蓋九州言從承明觀出治東諸侯繡

衣自天下龍節橫江浮威聲雷霆發惠澤河漢流簿領

謝俗吏清談揖前修三月初行部飛帆絕潮頭諸山嶙

嶙出委蛇轉前騶眾川淙淙來方洋放扁舟仁智得所  
好道然忘百憂歷訪甯憚遠窮探詎辭幽高懷期康樂  
逖迹嘉遠游從容顧賓從此樂復有不長歌裁大句從  
者誰敢酬歸來特示我明珠知闇投我本邱樊士久已  
失厥謀終無考槃刺但有伐檀羞庶幾不遠復未愧公  
閱休

江氏明薦堂

夫子剛且勇一摧遂終身於今斗牛閒鬱然氣不申平  
生慕用意碣刻留千春更爲祠堂詠尙化雞酒陳

沈氏三先生文集

卷第二

十一

川川又

次韻和鞠顏叔游山

吏案方無事明游出近山相從得所好終日有餘閒棄  
置形骸外逍遙宇宙間谷風吹淅淅澗水濯潺潺灌木  
開雲蔭餘花散錦斑輕輿留石步短棹下湖灣古寺羣  
峰合孤洲萬竹環紫鱗驚躍起白羽捲飛還對酒忘塵  
事臨流見病顏支離眞可笑光景信難攀且共隤然醉  
誰知是閉關

王仲淹云劉伶古之閉關人也

平望道中

積水不知際孤舟緣斷隄新晴寒氣薄短日暮天低爲

客情猶昨重來路已迷區區何計了長負舊林棲

將至京口先寄孫少述并呈晏子俞

爲郡無聞困米鹽先生有道獨幽潛豫章因甚尊徐孺  
益部何能詘蜀巖已脫簿書身自放肆尋山水意甯厭  
京江最欲方洋處願從屏星卷畫幘

奉酬潤州余少卿見寄

兩鎮旌旗對撫邦老成循政獨難雙賜環已許歸西省  
擁櫂方來絕大江後乘願陪幽賞盡詩新頓使勇心降  
主人意厚春潮小且卷孤帆偃畫杠

沈氏二先生文集

卷第二

七

人到淮南

吳山已遠見淮山未覺風塵上客顏家在滄浪重回首

徜徉且作半年閒

徜徉一作逡巡又云  
北舟聊得半年閒

戲盧中甫錢才翁

昨日春風花氣浮少年嬉逐滿揚州誰憐居士身常病

獨坐空船理白頭

居士身常病一  
作終歲情惜病

山光寺一首

寺本隋煬  
帝故宮

高臺已傾曲池平江都宮殿野草生隋家事遠不須問

淮南非復百年城

今揚州城  
非唐舊城

謝太傅廟

功業由來出偶然晉師豈必勝苻堅謝公更欲收民望  
故築新城坐自全

自揚州與中甫才翁偕行

相遇得所好相從如所期平生慕朋友形迹無牽羈道  
路遠千里冬春踰再時要將窮吾樂忽厭行遲遲

和才翁行次山陽

灩灩春波遶郭回飛花無數逐風埃山陽舊客誰相識  
疋病區區又到來

沈氏三先生文集

卷第二

十三

川子文

雙社湖

青天淡無雲白水平無波拖舟鏡中行奈此清絕何我  
行不自亟三日才百里卷卷何所感似泛吳江水湖水  
清無際清極不可觸吾纓初自潔將安濯吾足

和中甫新開湖

渺渺清波百里浮昔遊曾是一扁舟十年人事都如夢  
猶識湖邊舊客郵

和中甫呂氏園亭

長日陰陰雨與風病夫高臥一舟中少年歡氣誰能遏

縱走名園看落紅

題揚州山光寺

馬蹏輕蹙柳花浮醉入淮南第一州不是青樓羞薄倖

自緣無錦作纏頭

此是中甫和晴日  
春風花氣浮詩

高臺已傾池已平隋家宮殿春草生千年前事何足問

淮南非復舊時城

此詩傳自山光  
寺壁與集中異

沈氏三先生文集卷第二

沈氏三先生文集

卷第二

古

一  
メ  
メ

浙江書局刊商藻一賦不景青高保康校

王家賢校

張大昌校

沈氏三先生文集卷第三

西溪文集卷第三

翰林學士右諫議大夫知制誥充羣牧使兼判吏部流內銓判尚

書禮部長興縣開國伯食邑八百戶輕車都尉賜紫金魚袋沈遵

歌詩

十一月二十二日朝辭

朝辭承明殿莫下金馬門伏讀明詔意仰思聖主恩蠶  
彼獯鬻氏禮數迺弟昆帝初務息民金縢代更屯嗣皇  
謹遵業使傳交塞垣下臣非知古有舌詎得論恭承丁  
沈氏三先生文集 卷第三  
一  
甯命敢不夙夜奔

五言出都

十年中都官未審去宮闕一朝使萬里驛騎催早發徘徊  
徬景陽道瞻望未央闈高城接浮雲佳氣正蟠鬱我馬  
何遲遲中情屢如失王事戒靡盬臣心敢他郵曷月還  
歸哉歸期幸可必

五言出都日大雪

朔風萬里來一夜卷飛雪漫漫國門路轉轂失故轍烏  
翼壓不開馬蹏僵欲折問我行安之銜命使胡羯君恩

念勤遠敦遺禮無缺賜金戒私裝卜日出漢節太官載  
供張廐馬先簡閱光華自難勝敢復訴勞茶獨哀徒御  
眾驅馳犯寒切每懷實靡及勗爾保嘉烈

五言陳橋驛

天命豈人力神功非智闕藝祖昔臣周周德久已衰上  
將分六師北征在郊圻士卒中夜起神器倉猝移誰言  
一朝變迺定萬世基國門一舍地傳舍猶當時故老無  
復存遺話嗟何知維留威神在凜然萬方歸

五言城北別親友

沈氏三先生文集

卷第三

二

四十一

朝出北門道復車何轟轟顧皆我親友送我胡中行置  
酒古寺堂勸酌紛縱橫飲闌眎四坐悄若意弗平試問  
坐上客客言安敢承謂我自慷慨固無兒女情幸當無  
事時奚忽爲北征憐我不愛辱往拜單于營憂我衰病  
餘跋涉萬里程二者所不堪奈何誰使令我笑謂坐客  
我豈徇利名仕旣不得已王命方丁甯上羞傅介子下  
愧蘇子卿第結匈奴心以保先帝盟惓惓謝親友敢辭

酌餘觥

五言信武殿

匈奴昔南牧先帝躬濯征旌旗從天下龍虎百萬兵元  
臣坐帷幄大將當鼓鉦黃蓋臨城樓城下萬歲聲卷起  
黃河波飄入單于營單于膽先破大羊亂縱橫大黃磴  
賢王京觀封鯢鯨甘雨洗原野清風掃羶腥王師奏凱  
歸殘胡稽顙盟於今五十載北塞維蠶耕黎民亦何知  
但見原廟成下臣方奉使過謁慄若驚威神敢云測尙  
冀通精誠

五言道中見新月寄內

離別始十日已若十歲長行行見新月淚下不成行念

沈氏三先生文集

卷第三

三

四川

我一身出萬里使臨湟王命不得辭上馬猶慨慷一日  
不見君中懷始徊徨我行朔方道風沙雜冰霜朱顏最  
先顰綠髮次第蒼腰帶減舊圍衣巾散餘香郵亭苦夜  
永燈火寒無光獨歌使誰和孤吟詎成章輾轉不得寐  
感極還自傷思君知何如百語不一詳胡雁方南飛玉  
音未可望願君愛玉體日看庭樹芳欲知歸期蚤東風  
弄淨陽

七言烽火臺二首

厯厯相望隱舊堆狐穿兔穴半空摧行人不識間野老



云是昔時烽火臺

烽火銷來五十年居民初不識戈鋌耕桑滿野帝何力  
千里邊城自晏然

七言老農問

使者輜車歲不停金繒兼載價連城洛陽年少今何怯  
未省傳聞敢請纓

今日七言答老農

聖主仁恩務息民收兵方外卷威神老農自保太平樂  
焉用空言羞使臣

沈氏三先生文集

卷第三

四

川七十一

七言將至瀛州從事張祥寄詩和答

驛騎驅馳萬里身錦貂渾欲變緇塵平生未識行邊地  
今日初欣遇故人洗眼已驚雙鯉至相看應訝二毛新  
羨君獨得從軍樂三歲高陽幕裏賓

七言道中示三使二首

初持詔節下宮衙四牡臨門敢顧家稍遠郊畿還感慨  
卻瞻原隰自光華使行萬里誰非病義重千鈞始拜嘉  
遙指燕山數歸日都城猶未有多花

漢家恩信撫羣戎坐息邊民樂歲豐自古所求中國治

於今無復四夷功金縉但取一州賦使介何辭萬里通  
顧我衰羸豈堪此共揚威命賴諸公

七言雄州遇唐子方奉使先還奉贈春風詞  
擁節纔臨塞北垣正逢歸騎下幽燕昔初並命銀臺下  
今獨先還赭案前胡地風沙辭異域漢家日月望中天  
邊城尊酒雖云樂聞說腥羶更慘然

使還雄州曹使君夜會戲贈三首

風霜滿面使胡歸洗眼看君喜可知更出佳人對紅燭  
今宵醉倒欲何辭

沈氏二先生文集

卷第三

五

川文一

法曲新聲出禁坊邊城一聽醉千觴明朝便是南歸客  
已覺身飛日月傍

粉面嬌環紅繡裙主翁獨遣勸佳賓他時金谷重相遇  
還許尊前問故人

發瓦橋十里而河梁敗還坐客亭復上馬戲詠道

旁垂柳二首

客亭門外纖纖柳解使行人去復還爲謝春風搖蕩意  
上林桃杏正堪攀

行盡塘陂日已西回頭綠樹卻遲遲柔條秀絕向人甚

忍不從容折一枝

過冀州聞介甫送虜使當相遇繼得移文以故事  
請避諸路又以詩見寄次韻和答

風沙敝盡舊狐裘走馬歸來過冀州聞報故人當邂逅  
便臨近館爲遲留不容傾蓋論時事空寄新詩寫客愁  
卻望後車塵已合簫聲清斷去如流

至澶州遇吳長文謁告歸奉贈

萬里風霜一病身歸來初喜渡河津舉頭已近長安日  
洗眼先逢玉署人平昔每嫌疏館舍今茲暫許接車塵  
沈氏三先生文集 卷第三 六  
延英對後應多暇東閣期誰共賞春

還家自戲二首

憶昨邊城初見春纖纖垂柳正矜新不知遠客貪歸意  
欲把狂絲繫畫輪

遠客歸來眼自明小桃滿院笑相迎當時若折邊城柳  
定負春風薄倖名

出都

秋風歸夢入東吳乞得城居古越湖聖主恩深未知報  
豈如張翰爲蓴鱸

贈李審言

使節葳蕤出漢宮我方受瑞守江東解還印綬甘元禮  
霽去威嚴幸弱翁金珮並辭丹屏下畫舫相接汴波中  
過江弩矢應交路斂避須如御史驄

贈王平甫

輕舟喜出大梁城更得高才共載行海內相知君與操  
從容尊酒論平生

漕舟

漕舟上太倉一鍾且千金太倉無陳積漕舟來無極畿

沈氏三先生文集

卷第三

七

兵已十萬三垂成更多廟堂方濟師將奈東南何

汴河贈審言

黃流千里從天來中貫帝居縈斗魁與君共宣聖主德  
餘波漸暨東南垓

平甫許時未至

平生每愧不能詩今與詩豪晝夜隨已許大篇須強和  
少收鋒鏑始相知

淮陰侯廟

淮陰本自市人子始定三齊便請王明哲保身非所責

如何終始比張良

和平甫寄介甫羨會稽之行

君家兄弟古人期入直西垣已恨遲莫羨迂疏乞州去

朝廷多事待論思

和平甫越州

六朝開國盡東州此地常居第一流四海今皆歸聖主

萬兵猶得眎元侯江山執勝登臨好市邑空殘賦後稠

我去正應千百慮不知能復縱吟不

王詩云縱吟還勝白蘋洲

淮山

沈氏三先生文集

卷第三

八

淮山萬重紫淮波千里清聊茲快吾目又以潔吾纓夷

門多塵埃黃河自泥濁我行何遲遲回望未央閣

將至錢唐先寄施侍郎

去年還施詩有何日從公醉紫萼之句

憶時送公公索詩欲從公醉亦狂辭今叨東鎮恩方厚

更過鄰城喜可知已分尊前非敵量獨憐湖上失春期

江南地暖霜無力橘綠萼丹蟹自肥

送十二叔歸巴陵

讀書不遇古所有閒居得地今日稀世故紛紛定難了

况獨身已與眾違洞庭水清君山碧白酒滿市魚滿磯

都門一到十日耳猶恨風塵汗我衣

至樂齋

至人得至美迺能遊至樂茲理難與言紛紛徒爾學五  
經陳縱橫夫豈非糟粕吾方任常然來者尙吾覺

書寐

衙退冠佩捐吏休簿書卻山城賓客稀永日臥高閣

山中樂

誰言府中居自得山中樂獨醉還自醒無人事醅酢

鑑湖

沈氏三先生文集

卷第三

九

川X8

鑑湖千頃山四連昔爲大澤今平田庸夫況可與慮始  
萬年之利一朝毀

愛山

朝憑秦望紫玉几莫倚臥龍青錦屏平生愛山今日足  
尙恨軒冕縈吾形

依韻和韓子華游趙氏園亭

春色先從禁苑來侯家次第競池臺清明已近鞦韆動

上已相尋曲水開繡幕風微花自舞金鑪日永麝銷灰

病夫歡意那能強漫作山公倒載回

彭州使君郎中寄示懷舊之篇輒次韻奉酬

昔下承明得善藩初無佳政可勝殘與民共樂湖山好  
遭世承平法制寬當日清談羞俗士歸來白髮困塵鞍  
羨君正逐春遨盛豈減東州舊賞歡

將赴會稽過杭州寶月大師法喜堂  
悠悠十年別忽忽一夢中故人已白髮相對一病翁日  
短語不盡潮生舟復東自笑更自愧此身猶飛蓬

將赴淮南再過蕭山昭慶寺闍黎叔師所居  
始作山陰行還尋廣陵路此身未許閒長負滄洲趣往

沈氏三先生文集

卷第三

十

可川十

來古寺居再與高僧遇俗慮雖暫空勞生竟誰詆  
依韻和杭州施正臣與李審言王道粹宴有美堂

昔爲鄰政愧難參今讀新詩歎召南美化由來稱樂園  
勝遊還足發清談江山臨眺乘秋霽旌節聯歸卷夕嵐  
病客區區方北去尙思堂下一停驂

依韻和李審言見贈敘舊

自與公家三世舊坐看高閣壓亭衢梗枻屢構明堂厦  
麟鳳更參聖代符結友固應皆以義論詩何獨取於愚

歸舟早晚乘潮渡猶得西湖一笑無

依韻和施正臣遊聖果寺二首

盤厓絕巘與天通汗漫煙霞謝世籠聳起浮圖山突兀  
自然衙石玉青葱古人興廢千游客登臨一嘯中

誰勒燕然愧班竇孤城羈據亦銘功

排衙石有錢鏐刻詩

長愛高僧住絕岑定知無復俗緣侵人生擾擾應從昔  
世事悠悠豈獨今軒冕儻來真可愧山林歸去莫嫌深  
孟軻事業誰能及告子唯先不動心

贈剡縣桃源宮道士

沈氏三先生文集

卷第三

七

川九八

我昔剡谿遊道人亦相遇重來十歲餘顏色宛如故顧  
我病衰早鬢毛已蒼然乃知世上榮詎若山中閒道人  
家東都問胡不歸北北方多風塵素衣化爲黑斯言吾  
所信吾志亦江湖蕭灑會稽守平生欣莫如君恩容苟  
安願奉三年計幸爾數到城閒談北方事

自次韻和不疑借書鄰幾遇其疑

沈氏文集卷第三

嗟我江湖人野性實疏簡况從衰病侵事事益以懶豈  
不思自強所資乃有限但愛江夫子平生事高散維於  
讀書勤晝夜不去眼每勞從事賢獨使簿書縮揮署會



不勞兼人信無報有時倦欲休就席初不暖鄰友更借  
書丁丁叩門版尤厭吏舍喧牛羊鬪棚棧不如歸吾廬  
靜對日晚晚詩成還示我足以驚幽屨  
木葉飄飄客正悲浮雲更起蔽朱曦分無好月臨清夜  
且共芳樽樂盛時密戶那憂風蕩燭重簾甯怯露侵肌  
金壺漏盡玉山倒天外晴陰誰復知  
大行皇帝挽歌辭五首

正統千齡接端朝四紀長無爲獨高拱博施極多方昔

沈氏三先生文集

卷第三

十一

小文川

也稱何力今焉怨彼蒼維應傳聖嗣有以慰民望

又

歷數當興運謳歌屬太平成康能述業文景善持盈海

外咸來獻區中不識兵至仁終莫報何以盡羣情

木葉三

飄飄客正悲浮雲更起蔽朱曦分無好月臨清夜

欲識承平事君王五十年耕桑連萬里歌吹被三邊德

至消羣慝恩深極漏泉如何一朝變羣慝訴蒼天

書下四

四海蒼生眾真知不世逢方將請巡幸然後議登封鑄

鼎未云就乘雲安所從尤哀此下國無路望髯龍

五示煥公詩題後二首

西望陵臺遠陰陰白日昏孤臣欲從死累世未酬恩身  
隔千官列心隨萬國奔維臨滄海上泣血就滌痕

陳府君挽歌辭

吳會多長者斯人昔所欽高材誰復見令聞獨留今松  
柏開原執笳簫送水陰安知此吉卜有子服朝簪

吳正肅公挽歌辭三首

天下賢良選當時第一才文章祕羣玉事業照三台暫

沈氏三先生文集

卷第三

三

小古八

作東山去還期宣室來蒼生方願治梁木何先摧

又

四海瞻師宰中朝倚典刑胡然賦全器獨弗與多齡柱  
石虧宮廟鹽梅輟鼎錮風流不可挹無愧史臣名

又

箱鼓周南地公嘗此保釐都人懷舊德行路起新悲昔  
我祈難老今天莫愁還吁嗟如可贖猶願可身為

晏元獻公挽歌辭二首

英才動先聖盛業啟今王朝廷尊元老官師仰典常才

還宣室對遷歎哲人亡獨有勳名在書爲後世光

又

四海尙多事君心屬太平天胡不遺愍邦早奪耆英柱  
石傾宮構鹽梅廢鼎烹斯人無復見誰意在蒼生

沈氏三先生文集卷第三

沈氏三先生文集

卷第三

四

浙江書局刊

高保康校

王家賢校

張大昌校

沈氏三先生文集卷第四

西溪文集卷第四

翰林學士右諫議大夫知制誥充羣牧使兼判吏部流內銓判尚

書禮部長興縣開國伯食邑八百戶輕車都尉賜紫金魚袋沈邁

制誥

觀文殿大學士除節度使知邊鎮制

內外之臣文武是憲出入帷幄所以重學問之求征伐  
四方所以賴爪牙之任維自三柄實均一途蓋權有以  
適變者各存乎時材可以應眾者維其所用眷言方面

沈氏三先生文集

卷第四

一

川

申建將臣東自朕心告于爾眾具官某材劇志大經明  
行修博習前載之方講聞當世之務自始陳力周爰在  
廷慤乎秉其一心毅然見其中立登在法從實先近僚  
用陪祕殿之嚴益重中朝之選夙夜無怠陟降有常弗  
吐剛而茹柔侃焉正色能盡忠而補過維曰靖恭固有  
大臣之方允爲本朝之望屬茲謀帥尤必得人我方才  
難僉以汝薦是用舉斧鉞之利裁麾節之華授之兵符  
分以州部凡茲授受之重實維推擇之艱於戲總萬兵  
之權當一面之寄董之以紀律撫之以惠恩非勇無以

先人非謀無以慮敵機至而後應名正而後行必使師  
徒無傷疆場不警戎狄而內而至方外率循朝廷奠枕  
以居天下咸若皆汝之責其往欽哉

翰林學士除御史中丞制

御史中執法典綱紀總方略大臣之任也凡朝廷內外  
公卿百執事雖各有分職矣然其有枉直有興壞所以  
察舉之使一納於軌則而以成治體者是其任也夫豈  
輕授之哉具官某行有典刑學有師法文章必適於用  
論議必造乎理周旋內外風采甚著自居金鑿之祕樞  
機周密顧問浹洽藹然有大臣之體是宜益試以政序  
其功效故朕以爾長御史且今大夫缺位御史之任汝  
得專焉凡汝之職汝既知之矣汝其懋之無俾官有曠  
事法有廢舉以爲汝謫也

沈氏三先生文集

卷第四

二

川

誠勵貢士敦尙行實詔

朕上稽三代下監漢唐設爲選舉之法以進天下之士  
數詔執事更定其制維恐不盡又使天下興建學校自  
京師所以長育人材維恐不至朕之於選舉可謂勤矣  
然比歲以來士之進於有司者益不及于前時鄉非無

學也而莫從學非無師也而莫事讀書者棄其實爲文者取其華羣居燕處則不聞仁義之談雜進並趨則不聞禮讓之節一旦較之於利害之途欲其有古人之風不可得矣然而遂論之以充吾之列位而以治民成化其可望乎嗚呼凡爾守令師帥官吾所以共治天下者也豈不念此今吾將重申之夫自治者能治人不自治者治于人高爵重祿所以待天下之賢也然豈直欲寵其一身哉將欲以治吾民爾今不能自進其德修其業乃欲睹吾之高爵重祿亦以難矣凡爾守令師帥之官沈氏三先生文集

卷第四

三

川上

其皆告爾之士民以朕之詔使各自進於此毋患毋忽毋重有前日之弊凡貢之於朝者必得名稱其窻材充於舉斯可矣苟繆於此國有常憲朕不得私  
內殿崇班劉象輿可左監門衛將軍致仕  
敕某夫壯而陳力老而還政仕者之常也惟爾早以材武服于朝列今年至而請謝朕嘉爾有知止之思是用因爾功狀陞爾以環衛之秩俾休于家以安爾私始終之榮其祇服焉可

宣州涇縣主簿陳甫可祕書校書郎致仕

敕某始以貲粟獻于有司故賜之以官亦既效力乃以疾告尙念其奔走之勞命以京師之秩以爲爾里閭之寵朕所以報爾者至矣其恭承之可中祿書次韓震  
安素處士高懌可光祿寺丞致仕

敕某夫舉逸民禮賢者所以歸天下之心厲士大夫之志古聖王之事也朕今用之惟爾經明行修高尚其事安于邱園前日大臣更以爲言朕不奪爾志以處士之名今部使者又言爾年彌高而德彌邵宜進之王官爲朝廷之光故命爾丞於光祿卽安于家朕豈不貪用賢沈氏三先生文集

卷第四

四

川又十

哉顧爾老矣不可復勞以官職之事爾其服我休寵益懋厥修毋近名毋行怪以全爾之節以稱朕之恩可

安于內殿崇班張崇亮可內殿丞制齊書志以處士之  
敕某考課之法文武並用所以勸能勵眾也以爾積累勞次旣位列朝今歲格薦應復當序進進之一等奉承制旨往懋厥職以答光寵可齊書志以處士之

論職方員外郎石元之可屯田郎中祕書丞韓震可

齊書尙太常博士之齊書志以京師之秩以爲爾里閭之

敕某等夫三載考績唐虞之所以敘百官而成大治稱

盛德者也朕今用之以爾等並由俊造之第更著事功以序位于朝今歲格薦應復當增秩增之一等南官正郎秩宗博士皆高選也汝欽承之無替朕命可

度支員外郎充集賢校理沈康可司封員外郎餘

如故

敕某夫錄德而定位量能而授任官人之大方也然考績黜陟之典自古用之所以示勸沮出誅賞礪世而磨鈍者也惟爾文辭之美發於雋科材用之裕見于初任朕用大臣之薦登爾于學官擢爾于書閣升位于朝再

沈氏三先生文集

卷第四

五

川又上

居郎位者復三年矣今有司稽閱來上以爾當陟故進汝以王爵之副蓋左曹之前列也爾其欽承之無易我丕顯之訓可

供備庫副使桑湜可文思副使

敕某朝廷設武爵之等所以待材力之士也今丞相言汝節義勇幹有古將帥之烈又退讓廉靖不自伐其勞以祈進朕惟爾父有功于國而歿其身爲吾士大夫之所稱慕今爾克世其家又爲吾丞相之所舉朕何愛一等之爵而不以褒爾哉其陞貳諸使之上列以稱朕之



意所以圖報者在爾焉可

德州錄事參軍韓嘉言可光祿寺丞

敕某廷尉天下之平而有司之至重也爲其屬者豈可以非其人哉今大理言爾以法律自請而試之有效故命爾丞于京司以佐廷尉其所以爲爾職者旣知之矣其祇服焉可

著作佐郎周尹呂公善可并祕書丞

敕某等咸以俊選擢佐著作出宰縣道今有司考課按此當遷進丞舊省序于朝列往服休寵毋怠爾修可

沈氏三先生文集

卷第四

六

供備庫副使王世忬可西京左藏庫副使

敕某文武班爵之法各有名品以待吾士大夫之賢而進退上下自以功罪古今不易之道也惟爾蚤以勞次序位于朝遂貳諸使今考績應率再遷爾于上列光寵多矣爾其思之可

奏舉人前懷州武德縣令周佐堯奏舉人前懷州

修武縣令梁造可並大理寺丞

敕某等吏部選法有歲考之第有功罪之計有薦論之目其法密矣州縣之吏有能應之最而無殿者皆良吏

也以爾等並繇縣令宰以有課效按籍來上故命爾丞  
于廷尉其漸光顯往祇厥服無易無怠可

前著作佐郎魏應臣前大理丞田曾杜子才前將

佐監主簿劉公懿可並舊官服闋

敕某等夫三年之喪聖人之中制也過猶不及矧吾士  
大夫立于朝廷以承教化一風俗者可不奉此以爾等  
頃罹不幸顛沛去職今禮服終矣其復爾位移孝爲忠  
朕所望于爾也可

太常博士朱詰徐說可並屯田員外郎

沈氏三先生文集

卷第四

七

敕某等古之郎選重矣非茂材雅行簡于眾者未嘗輕  
授也今雖尚書之職分異不皆署曹然其官儀地望自  
高矣以爾等並用文學射策以歷位于朝今有司考績  
當陟並遷爾于司田副郎夫德懋懋官功懋懋賞無易  
爾心無替朕命尙有顯爵重祿以待汝焉可

內臣加恩

敕某等朕制禮作樂大裕宗廟旣事告休推錫在位咸  
以周浹爾等奉事闈闈豈無勞勩均之賞渥以盡無不  
酬報之誼可

撫州奏臨川縣臨汝鄉何彘一百七歲可本州助教

敕某洪範五福首壽古者有養老之禮而天子巡狩先見百年蓋老者人之所尊而爲國家者可以教者也朕比詔天下博采以聞今爾本郡以爾來上朕甚嘉之故命爾以下士之秩助教于州里爾其保期頤之福承朝廷之意安于邱閭榮且逸也可

隴州汧陽縣主簿袁衍可太子洗馬致仕

敕某奔走州縣亦既有年今其老矣願還官政嘉爾止

沈氏三先生文集

卷第四

八

川。川

足錄爾勤勤升秩朝序歸安里閭足爲寵榮其往祇服

可

內侍省內常侍韓永文可內殿崇班

敕某中侍之臣出入禁闈受宣詔命至親密矣非小心端信能寡其過者吾弗用也以爾幼而秀毓出于羣輩周旋服事其勤不怠朕甚嘉之故稽爾歲績增爾之秩班于中朝以爲爾寵戒之懋之無替厥素朕不忘爾也

可

奏舉人前綿州神泉縣令解補之奏舉人前相州

永和縣令呂撝可並大理寺丞

敕某等夫有百里之地得專其政而行其志古諸侯之選也有能撫其民人使無散流平其賦訟使無偏枉以成三載之績而又有保任之舉者朕其可不賞以勸之哉以爾等並爲劇縣以有功狀歸于有司有司稽攷成應其法書而來上肆朕擢爾丞于廷尉列于王官爾其祇畏所事無怠厥舊庶乎益進于朝永有光顯也可

故虞部員外郎致仕范堯佐男昇卿可試將作監

主簿

沈氏三先生文集

卷第四

九

川又文

敕某夫朝廷之士生則有爵祿之寵歿則褒立其嗣吾於士大夫恩可謂至矣爾父堯佐服事陳力致位於郎老而請去始終可紀今其亡也朕尙念之故推敘及爾錫以一命試于工正之屬爾其飭恭慎思自進於名以無忝爾考之美可

陳州錄事參軍尙起可太子中舍致仕

敕某州縣之職勞矣爾周旋其閒至于十年而不能自奮以出今乃以老告朕甚閔之故命有司致狀來上秩爾以春宮之屬通籍乎朝所以爲爾恩者至矣爾其保

之以終福祿可

入內東頭供奉官綦元亨可內殿崇班

敕某內宰小臣所以給房闈之役趨走之任也故非其久無過其勞可書者未嘗輒遷焉以汝參典禁藏四歲于此而出納無違鈎較甚明且有贏羨以裨少府之用籍奏前上朕甚嘉之不可遺也其增秩一等班于殿朝以爲爾報其往遵職毋棄前效可

皇姪孫右千牛衛將軍世顯可贈右屯衛大將軍

敕某夫立愛自親始所以教天下之孝也朕于宗室貴

沈氏三先生文集

卷第四

十

川又上

之富之罔有不至其不幸而淪謝者亦必褒顯尊寵之所以篤始終無窮之恩也惟爾孝友恭肅有聞於家謂宜壽考以表于眾奄忽而化徹于予聞何傷如之其贈以大將軍之章綬使九原而可作也尙知我親親之德無存歿之異而歆服焉可

入內供奉庫副使曹任可西京左藏庫副使

敕某延安國之西園也吾宿師以固之謀師以護之又

擇材勇之士屬之麾下所以爲其爪牙之任以爾蚤歷

武爵遂貳內使實應是選以監州兵今維夏戎服命王

師不出無以爲爾功而累日計歲拊循講輯之勞不可不報也其陞諸使之前列以爲爾恩爾其祇勗圖有後效可

大理評事張太甯將作監丞王儀可並大理寺丞太常寺太祝王景純可大理評事

敕某等朝廷制爵祿以待天下之士大夫其路廣矣其流眾矣然旣試以職而質其成序以陟之則其法一焉太甯也由辭科儀與景純也由世賞各以廉能而應課最有司舉三歲之典來上肆朕並以爲廷尉之屬或承沈氏二先生文集卷第四十一  
其長或平其法皆曰良選漸于榮階尙有不次之賞以俟爾卓然之效爾其勗焉可

開封府推官祠部員外郎充祕閣校理張芻可度支員外郎餘如故

敕某東觀吾圖書之府而禮樂之源也其流至高京兆吾大眾之地而四方之則也其治至難其用人非有文學政事之實未嘗輕以授也以爾資賦甚美矯然自立並應是選優有餘裕實充多士之望而有司舉考績增秩之典以言故遷爾郎位一等夫特達之士豈計其歲

月之勞而序進之哉顧三載之法朝廷之舊不可廢也  
固有尊顯光大之爵以待爾維以懋焉可

江州錄事參軍監鄂州買納茶場和偃可大理評  
事

敕某大司農制天下之貨財以給縣官之用凡任其事  
者皆有賞罰今乃言爾前領武昌權茶而能遵職謹法  
有益于司農請以賞之肆今選爾于廷尉平以答爾勞  
以勸能吏可

東頭供奉官李永慶崔昭明可並內殿崇班

沈氏三先生文集

卷第四

三

川十

敕某等三班武吏其取雜矣其進艱矣有能以廉自持  
以勤自效奮而出乎其閒者可不尚之今爾等克應其  
法籍以爲奏故命之班于殿中序于朝列其爲爾寵不  
亦多乎往哉祇服可

台州甯海縣令魏昂可試大理評事充山南東道  
節推知南劍州劍浦縣

敕某前日天下令長多非其人始詔制舉牧守之臣營  
廉爲之故遠近之縣十七八治朕甚嘉之汝其選也汝  
旣三歲被代而知者尙鮮何哉雖然不可不少褒也其

升職幕府復爲百里益有以薦于朝者當命汝遷焉可  
奏舉人前推武信軍節推安宗謹可大理寺丞

敕某天下之治久矣士大夫雜選歸吾有司者不可勝  
數而吏部尤眾蓋吾公卿之才閒而自出雖然賢不肖  
不分溷焉一途孰從而辨之哉故設爲考績之法甚備  
又使制舉之臣薦其所知覆之中銓以質其成然後命  
之以遷所以用人者如此其慎庶幾人人而得其真乎  
以爾端恪修潔有聞于眾實應吾法故陟爾爲廷尉丞  
列于王官以漸光顯爾其服我之不訓畏于厥職以思

沈氏三先生文集

卷第四

三

川八川

進也可官

陝州文學趙淑可華州別駕

敕某朝廷以美名豐祿寵養士大夫者使之爲政治民

也爾不念此乃自投于法是宜棄而弗用矣尙矜其過

或自悔復稍進于籍使處近州益觀厥爲以出後命可

禮賓使李中祐可六宅使

敕某朕疆理天下申畫州部並建牧師以制四方而蜀

在西南一都會也故常用左右之臣以撫其地又命材

武之將以佐其軍其寄付之重疇選之艱固以異矣以



爾功名之後能世其美歷守邊障率有成效故躋諸使  
之等以選爾秩領兩道之兵以輔爾帥其所以爲汝職  
者吾旣授之爾師矣爾其善助之有賞有罰待爾而出  
矣可

大理寺丞馬希元魏絳耿仲履時選陳安世可並  
太子中舍

敕某等天下治安郡縣眾職鉅細煩簡皆有常法吾士  
大夫當其任者能遵之而勿失順之而弗擾使官無廢  
事民無病政吏無奸聞以至于朝者皆良吏也以爾等  
並有伐闕在于有司自秩廷尉於茲三歲豈可不遷以  
勸之哉其升東宮之屬通籍于朝亦足以顯矣其益自  
懋以進不已可

內東頭供奉官寥浩然可內殿崇班

敕某禁闈小臣眾矣非以德舉而材選也特以給左右  
之役導內外之事而已故未嘗輕命以遷所以異乎吾  
外廷士大夫之典也今爾考不幸乃有遺封以爾爲請  
朕念爾考事我之久位于通顯汝亦謹信無咎故進汝  
之秩班于殿朝以爲汝寵朕于汝父子可謂至矣其思

所以報我者焉可

殿前都虞候天平軍節度觀察留後李璋奏百姓  
醫生王逢辰可試國子四門助教

敕某爾以醫爲技事我戚里有言于朝稱厥能效願得  
齒于士籍故錫爾一命以爲之恩其慎厥操術無辱于  
官也可

供備庫副使李詵可西京左藏庫副使

敕某爾父端懿太主之子國之近戚而降年不永奄忽  
云亡朕甚哀之旣以贈襚極其禮數又得其遺封乃以  
沈氏三先生文集 卷第四 五 川〇上  
爾爲言朕旣益傷其天性之恩豈復于爾有所愛哉其  
陞序諸使之前列以榮爾立朝之路以慰爾考泉壤之  
思可

大理寺丞充本寺詳斷官王彭可太子右贊善大  
夫

敕某夫法者國之防獄者民之命也蓋一失其平則天  
下無所措其手足矣故自唐虞三代莫不重之書不云  
乎欽哉欽哉惟刑之恤哉夫以舜爲君而皋陶爲士尙  
且丁甯飭戒如是之勤況後之不及乎恭惟先帝審刑

之意協于唐虞故朕于法官之任益不敢輕以爾明察忠恕通律家之本故以爾爲廷尉之屬今有司考三歲之積而實稱朕選可不遷以爲勸哉其升東宮之寮序于朝列尙觀其後益有褒顯爾其懋之可

將作監主簿呂昌祐可太常寺太祝

敕某夫考績之法唐虞之所以馭百官而成大治稱盛德者也朕今用之以爾故相之後爲吏有方應于陟典故升爾于奉常之屬夫世祿之子雖其進也異乎材德之舉然旣授之政而能奉職自效無悖于理吾亦何愛沈氏二先生文集 卷第四 夫 川 8 文 而不以褒進之乎爾其懋之可

荆湖南路轉運使祠部員外郎直集賢院陸誥可

刑部員外郎依前職

敕某荆州之域其方數千里國家畫爲兩部分命使者其南部郡縣數十內撫江漢外制羣蠻吏民甚眾兵食甚廣克稱厥任常難其人自吾得誥無復一方之憂吾誠嘉之惟誥行義之美材智之邵更職儒館出入中外文雅政事沛焉有餘自將命于南風迹尤著朕方任之以重致之于遠而有司舉三載之典請以明陟朕豈以

歲月之計而待特達之士哉顧考績之法堯舜所用朝廷之舊不可輒廢故遷爾郎位一等貳于司憲蓋尙書之高選也其往祇服吾且圖爾之功矣爾其屬哉可

大理寺丞寇誦加騎都尉

敕某朕前以大裕之禮薦于宗廟既事告休推廣慶賜罔有遠邇莫不周浹况吾士大夫服勞在位而可遺之乎其賜爾勳一等以稱朕意往哉祇服可

皇親太子率府率宗粹以下可並右千牛衛將軍

敕某等棠棣之詩曰棠棣之華鄂不韡韡凡今之人莫

沈氏二先生文集

卷第四

七

川又

如兄弟又曰兄弟既具和樂且孺言篤兄弟之恩以及九族也蓋周公作之召之歌之而周之懿德也朕甚慕焉汝等席慶承祉蓄德揚采陟降朝邸允其藩睦實稱朕之意故恩有以褒寵之其各遷所秩列之禁衛烏乎汝其恭于師保服于詩禮慎修思永以享長久之祿以協我親親之恩可

皇親左監門衛將軍克揚以下可並右領軍衛大

將軍

敕某等昔關雎之化行而麟應之故公族振振信厚與

禮相應無犯于非何其盛也朕上承祖宗之慶下撫宗  
子之眾刑于衽席以御天下庶乎古先明王之德而汝  
等祇序上下克有禮節穆然合問揚于外廷使我尙無  
愧于前人甚可嘉也肆詔宗正條上因汝故秩環衛遷  
于大將烏乎汝其夙夜祇飭無蹈匪彝以斁我家邦之  
治可

敕賜進士及第朱長文可試祕校守許州司戶參  
軍

敕某前日朕詔有司以天下所貢士來試于廷爾以文

沈氏二先生文集

卷第四

六

川又十

辭之美得署乙科屬于吏部吏部舉限年之法未卽用  
也今旣冠矣請命以官惟爾早成旣登策選復歸于家  
益修不怠而且大夫之世也其人事其吏方宜亦習而  
明矣往掾州服毋廢毋易以啟揚我休命可

殿中丞符拱之可太常博士

敕某唐虞三載考績三考黜陟幽明朕誠遲之周禮三  
歲大計羣吏而誅賞之郁郁乎文吾從周審官之法是  
也今其以爾閱闕來上請以遷朕惟爾武功之世而能  
卓然自奮于文學以第雋造之選旣可尙矣今出佐西

帥之府而其治行又應吾有司之比顧可不以陟哉其  
升之春官博士以屬其志往哉祇服可

前信州錄事參軍朱逢吉可太子中舍致仕

敕某凡士大夫壯者吾勉以進之老者吾優以退之顧  
豈私于一士哉所以勸乎羣臣也以爾周旋州縣至於  
十年旣不能卓然自奮以祈于用今乃自列乞身以去  
朕豈復有愛于爾而不以厲于眾哉其升秩春宮之屬  
通籍于朝以稱朕意其往祇服可

屯田員外郎舒昭亮可都官員外郎

沈氏三先生文集

卷第四

十九

川又文

敕某周官太宰之入法曰官計以弊邦治謂三歲而斷  
羣吏以廢置之也朕方綜覈名實旣以爲法惟爾繇俊  
造之第周旋外廷遂位于郎以長一州今有司上爾闕  
闕克應其法故進爾秩一等副于中都夫饒劇郡也甚  
難其材有能稱厥職朕且待以不次之位尙復序而進  
之哉爾其懋焉可

屯田員外郎李東等可並服闋舊官

敕某等傳曰喪三年以爲極云則弗之忘矣然先王之  
制不可過也爾等昔者不幸至于大故以去其位今旣

除矣宜復爾舊立身揚名以顯厥先吾所望于爾也可  
太常少卿席平可光祿卿

敕九卿之尊法河海而通寒暑光祿之貴典宿衛而總  
郎吏自漢以來其選甚重本朝之制非老成久次亦未  
嘗輕用也具官某文學之選初無能名嘗佐御史厯守  
大郡遂貳九列朕方以唐虞考績之典甄序百工故陟  
爾爲正卿夫其官儀之寵恩數之豐凡厥在廷能致于  
此者幾希矣爾其惕畏強勉以究所職以荷我不顯之  
命可

沈氏三先生文集

卷第四

三

川又士

祕書省著作佐郎王琳可祕書丞

敕某學者之言必曰治民今夫令長之任莫親於民矣  
然旣居之而能稱之者何少也豈徒能言之乎吾無取  
焉爾今汝其學者也其所居又大縣也爾之遷三歲矣  
今復升爾位于朝我之所以爲爾寵者至矣爾亦嘗能  
行其所聞乎其祇聽朕命夫欲下之信者莫若躬欲眾  
之格者莫若德勞徠之惻怛之寬則惠於吏猛則暴於  
民如是而已汝其奉行毋自斲壞邦有常憲可

內殿崇班馮天祐可左監門衛將軍

敕某夫陳力就列不能者止豈曰能讓哉亦循其分而已然視諸貪而不知敗者斯可賢矣茲朕所以加優乎去位之臣也今汝之年雖未至而以疾自列亦可謂能循其分者歟其陞秩環衛退安于家以厲吾士大夫之意可

左藏庫副使李賡可莊宅使

敕某太官之建總膳夫庖人內外饗亨人之五職在殿中六尚其爲任獨重而其事獨叢矣非幹敏之吏不能辦也以爾陳力從事三歲于茲攷會其狀咸應舊典故

沈氏三先生文集

卷第四

三

川川七

遷爾以諸使之正以答爾勞其往祇服可

內殿承制周世昌可供備庫副使

敕某廣內祕府吾所以聚天下之書而延天下之材者也夫其講論六藝是正文字則諸臣之任矣若乃筦庫之責出納之禁則命之以中侍之臣所以重其事也惟爾端信廉飭更使內外咸有善稱自職東觀益勤不怠故吾舉考績之制命爾貳乎諸使之列爾其思我所以褒爾者毋廢厥修期永終譽可

內殿承制唐誥等並可供備庫副使內殿崇班張



宗訥等並可內殿承制

敕某等天下又安方外無警而兵之不試者久矣材武之臣甯復有非常之功而取不次之賞乎然方鎮有屯戍邊圉有徼候拊循講輯譏察誰何之勞亦不可遺也爾等並以勇選而領軍事按籍以遷或貳諸使或承制旨皆曰顯爵其往祇服益圖祈報可

入內侍省內東頭供奉官曹宗吉可內殿崇班敕某北戎請和一方無警然邊常宿兵以備豫不虞而塞外之事軍中之情吾所欲知故以軒闥之臣乘遽往

沈氏二先生文集

卷第四

三

川

來以察之而爾實當其選于茲三歲其勞可書增秩一等序于朝列報爾之寵其祇服焉可

西京左藏庫副使白均可供備庫使

敕某五嶺之南桂林之管其地千里外接夷粵常宿兵置帥以衛連城而前日鳥戰之寇數入以侵擾我郡邑之民故臨遣使臣往撫定之既乃薦爾之材請以督一道之兵爲之貳肆近爾于諸使之正就蒞其政凡爾之職爾旣已參而知之矣其益悉乃心奮乃力毋敗乃事

以奸我邦憲可

前守汀州上杭縣尉兼主簿張奎可試祕校充春  
州軍事推官通判春州兼知本州

敕某春州在南海之徼崎嶇夷貊之閒華人不居蓋自  
昔記之矣國家斥有四疆聲教咸暨置吏治民一視中  
州其德澤之所浸禮義之所揉固已變于古矣然吏之  
往者猶加優其恩所以慰其萬里之心也今吏部調爾  
爲州從事且總守長之仕故朕命爾服章稟賜率踰常  
等以爲爾恩雖曰遠且勞矣其亦寵而豐乎往哉祇服  
可

沈氏三先生文集

卷第四

三

川メメ

左侍禁田文廣可行太子左清道率府副率

敕某夫知進而不知退辱莫甚焉知得而不知失殆莫  
甚焉今爾之年幾于耄而旣犯乎禮與律矣其免於辱  
且殆者幾何吾所以尙加優而謝汝者以汝尙能自請  
爾其升秩東宮之屬榮其歸路嗚呼吾之于小臣始終  
之恩其至矣哉可

濮州鄆城縣尉鄭務先可冀州棗強縣令

敕某夫良民之爲生艱矣其黠惡者乃羣行而奪擾之  
豈不哀哉故雖一邑之小必有尉者以此也然猶恐其

或弗能稱職故設爲賞法以勸之今爾之所補除者實  
應于格有司條上遷爾邑令益有民事其往試之無忝  
朕命可

沈氏三先生文集卷第四

卷第四

音

文

浙江書局刊

高保康校

王家賢校

張大昌校

2346

